

E ora ei **Ruth** a tira su kurpa abou i a bùig ku su kara te na suela, i a bis'é: "Pakiko mi a haña **Grasia** den bo bista ku bo a paga atenshon na mi, siendo ku mi ta un **Estranhero?**" (**Ruth 2:10**)

Ora nos bai **analísá, meditá i studia** e **Palabra Grasia** na **Hebreo**, nos ta **siña** ku e ta nifiká entre otro: **Bon, Fabor, Enkanto, Agradabel, Mihó, Bondat, Alegre, Plaser, Dulsura, Kariño, Prosperidat, Presioso, Rikesa, Kontentu, Bunita, Bon Kompndementu, Amabel, Derecho, Moralidat, Benefisioso, Aseptashon.**

Dios Tata a duna **Su Grasia** na **Ruth** via **Boaz**. **Boaz** su nòmber ta nifiká; "den **Dje tin Poder**".

Dios Tata a duna **Su Rikesa** na un **Estranhero** ku no tabata **konosé** òf **pertenésé** na e **Dios Israelita**.

Dios Tata a duna **Su Aseptashon** na un **Estranhero** ku no tabata **pertenésé** na e **Hebreo Kristu Hesus**.

Dios Tata a duna **Su Prosperidat** na un **Estranhero** ku no tabata **konosé** e **Poder** di **Spiritu Santu**.

Dios Tata a duna **Su Grasia, Bondat, Abundansia, Dignidat, Amor, Fieldat i Su Bèrdat** na un **Estranhero** ku no tabata **konosé Yeshua Mesias**.

Kuantu mas **Dios Tata** lo duna abo, **Su yu**, ku si **konosé** i ta **kere** i **konfia** den **Kristu Hesus, Yeshua E Úniko Mesias?**

Aseptashon!!!

Ma **Dios** ta duna un **Grasia** mas grandi ainda. Pesei **Skritura** ta bisa: "**Dios** ta resistí e **orguyosonan**, ma ta duna **Grasia kontinuamente** na e **humildenan** ku kièr **Aseptá**." (**Santiago/Hakobo 4:6**)

Grasia ta e **Poder, Kapasidat i Potensia** di **Spiritu Santu**,
pa tur esnan ku kièr Aseptá.

Grasia ta e **Poder kontinuamente** di **Spiritu Santu**,
pa tur esnan ku kièr Aseptá.

Grasia ta e **Poder kontinuamente** pa enfrentá tur tendensia **maligno**,
pa tur esnan ku kièr Aseptá.

Grasia ta produsí **Alegria, Plaser, Dulsura, Kariño, Prosperidat, Rikesa, Bunitesa, Bon Kompndementu, Amabilidad** dor di **Spiritu Santu**,
pa tur esnan ku kièr Aseptá.

Pa tur esnan ku kièr Aseptá;

Boso lo risibí **Poder, Kapasidat, Potensia** ora **Spiritu Santu** bin riba boso, i boso lo ta **Mi testigunan** na Herusalèm i na henter Judea i Samaria, i te na final di **mundu**. (**Echonnan 1:8**)

Pa tur esnan ku kièr Aseptá;

Tur esnan ku a **risibí E**, na nan **EL** a duna e **Outoridat, Poder, Privilegio i Derecho** pa bira **yunan** di **Dios**, esnan ku ta **kere** i **konfia** den **Su Nòmber**.
(**Juan 1:12**)

Pa tur esnan ku kièr Aseptá;

Tur lo **konosé Sabiduria** i **instrukshon** pa **diserní** e dichonan di **komprendementu**, pa risibí **instrukshon** den **kondukta prudente, hustisia, huisio i rektitut**. (**Proverbionan 1:2-3**)

Pa tur esnan ku kièr Aseptá;

Nan tur lo haña **Grasia** i **Aprobashon** den bista di **Dios Tata** i **hende**.
(**Proverbionan 3:4**)

Aseptashon!!!

Ma **Dios**, siendo riku den **Su Grasia**, pa motibu di **Su Gran i Maravioso i Intenso Amor** ku kual **El** a **Stima** nos, asta tempu ku nos tabata **morto** den nos **defisiensianan i transgreshonnan**, a hasi nos bibu den **Dignidat** i **Unidat** huntu ku **Kristu**, **Dios** a duna nos e mes-un **Poder, Kapasidat i Potensia** di e bida di **Kristu**, e mes-un **bida nobo** pa medio di **Grasia**; e **Poder kontinuantemente** di **Spiritu Santu**, pa nos a wòrdu salbá, partisipando den e mes-un **Salbashon** di **Kristu**. (**Efesionan 2:4-5**)

Pa tur esnan ku kièr Aseptá;

Dios Tata a duna grátis, sin niun restriksion **Su Grasia, Su Mandamentunan, Su Enseñansa i Su Testimonio**.

Pa tur esnan ku kièr Aseptá;

Yeshua Mesias, Esun Ungi, Krsitu Hesus a duna grátis, sin niun restriksion **Su Enseñansa i Su Testimonio**.

16 yüni 2017

Sea Bendishoná den e Amor di Yeshua Mesias

Rev. Remsly L Riley